

2009

In unserem Komitee, mir findes e Hit  
mache mit und ohni Glieder mit  
nur für die beide herre wirds allwä hart  
zu wort z'cho bi so viel fraue am start

Unser Komitee besteht jo fascht nur no us Fraue  
mir findä das e Bombe uf das ka me baue  
nur für die beide Herre wirds allwä Hart  
zu Wort z'cho bi so viel Frauepower am Start

Vorem Coop / isch e arme Maa am bättle gsi  
hett si Hund / und au sini Frau derbii  
ob ich em ächt / e Fränkli würd gäh  
i chönnt derfür au alli / sini Ubs Aktie näh

Mi Maa hett mir öppis / uff d'Wiehnachte welle schänke  
nur leider hett ers nid / wirklich mit em danke  
vo null uff siebzig / in drei Sekunde hett er gseit  
do hanem / die Schisswoog grad an d'Biere gheit

Die Junge dien sich sit neustem / zum suffe organisiere  
do dien sie allwäh au / für d'Fasnacht trainiere  
sie gäbe sich Kante / und suffe bis se niemerds mehr kennt  
das gits in Hofstette scho länger / nur wirds bi uns Saufest gnennt

E Foodlade wo rund um d Uhr offe het / isch e tolli Sach  
bruchscho öppis / findschs dört alles unter eim Dach  
sit neuschtem isch er geschlossä / dä Fullhouse Lade  
jetzt hämmer gar kei Grund me / für uf Ettige abe

Nachem Rendezvous mit em Joe Black, lernt sie dr Prinz us Zamunda kenne, er luegt ihre in ihri Goldeneyes und spielt ihre  
s Lied vom Tod, ischs tätzächlich Liebi!? Sie goht mit ihm zruug in d Stadt vo dä Engel und au s grosse Krabble het nid  
lang uf sich lo warte, egal, Hauptsach verliebt. Denn isch er bi dr Tiffany go zmörgele, nach 4 Hochzyte und eim Todes-  
fall isch er veruggt nach dr Mary gsii und isch ihre untreu worde. In tödlicher Mission het sen verlo, denn Wält isch nid  
gnuet gsii. D Reis ins ich het sich als reini Närvesach entpuppt. Do isch sie gsii, jensits vo Afrika mit em Kevin allei  
daheim, sie het en gspührt dr Fluch vo dr Karibik. Druf abe het se dä wo mit em Wolf tanzt aagschraue.. „ja bisch denn  
Du no Herr der Ringe“ i weiss was du letschte Summer gmacht hesch, es isch dr perfekti Mord gsii, i bi doch weder dick  
no doof. Do het sie gmergt das au er in Sache Liebi so viel Ahnig het wie dr George wo usem Dschungel kunnt. Ändlich  
wieder allei het sich füre dr Partner mit dr kalte Schnauze  
entschiede...

D Moral vo däm Märli  
Egal wele so kunnt und goht vo dene Kärli  
s lohnt sich nid ihne noche zlaufe  
gohsch Dr lieber grad e Hund go kaufe

Ei Match nachem andere / hän sie gwunne  
dr FCB so guet wie nie / es isch doch gspunne  
kurz vorem Champions League Final / ganz knapp  
chunnt mi Maa / und stellt mir d PlayStation ab

E spannendi Sach / isch so e Autorene  
wenn's gäselet / und me Benzin duet verbrenne  
dr Motor lauft heiss / me rast dr Bärg obe abe  
gäll Thomi wär schön gsi / hätt dr Chare in dr Kurve ghabe

Neu sit em Herbst / vom letschte Joohr  
muesch mit Dim Fiffi / in Hundekurs, sisch wohr  
Unsere Vorschlag / gänd Euri Teenies doch grad mit  
Damits uf dä Pausehöf / in Zuekunft kei Sex me git

Schuelhuus / Kanalisation und au s'Chöpfli wärde finanziert  
Das isch an dr Gmeindversammlig / im Dezämber passiert  
Fürs Chöpflistadion / bstelle mir scho Saisonkarte  
Im Fall as mr so lang / wie uff dr Platz mien warte

uf RTL und 3 Plus / lauft Bauer sucht Frau  
das intressiert jo im Grund gno / kei Sau  
statt für so Büretrampel / e Gspusi z'sueche  
sötte sie lieber uns / füre Groupie Casting Show bueche

